

香亭文稿

香亭文稿序

孫樵謂文章如面諒哉斯言夫天下之人同是耳目口鼻也而百千萬億之中曾無一二貌相肖即偶一二相肖而審諦細微必有終不肖者豈物物而雕刻耶氣化而成形萬物一太極故同稟一氣則同形一物一太極故各分一氣則各貌皆自然而然耳豈如模造面具一毫釐畢肖哉心之成文猶氣之成形也才力之殊無論矣即學問不殊而所見有淺深則文亦有淺深故同一明道而聖人之言賢人之言大儒之言吾黨能辨同

一說法而佛語菩薩語祖師語彼教亦能辨自前明正德嘉靖間李空同諸人始以摹擬秦漢為倡於是人人皆秦漢而人人之秦漢實同一音茅鹿門諸人以摹擬八家為倡於是人人皆八家而人人之八家又同一音模造面具其斯之謂歟久而自厭漸闢別途於是鍾伯敬諸人以冷峭幽渺求神致於一字一句之間陳卧子諸人更沿溯六朝變為富麗左右佩劍相笑不休數百年來變態百出惟此四派迭為盛衰而已夫為文不根柢古人是倂規矩也為文而刻畫古人是手執規矩不

能自為方圓也孟子有言梓匠輪輿能與人規矩不能使人巧非為論文設而千古論文之奧具是言矣夫巧者心所為心所以能巧則非心之自能為學不正則雜學不博則陋學不精則膚雜而兼以陋且膚惡能生巧即恃聰明以為巧亦巧其所巧非古人之所謂巧也惟根本六經而旁叅以史子集使理之疑似事之經權了然於心脫然於手縱橫伸縮惟意所如而自然不悖於道其為巧也誠有不期然而然者乎余不能為古文而少長京師頗聞前輩之緒論持以商榷率斷斷寡合今

老矣名心久盡不復措意於是事益絕口不談不期無  
意之中得香亭侍郎所見與余合讀其文集洵肆力於  
此中而能得其巧者於古人不必求肖亦不必求不肖  
於今人不必求不同亦不必求同其思表纖旨文外曲  
致言短而味長言止而意不盡與言在此而意在彼者  
恒使人黯然而思睪然高望余嘗泛舟嚴瀨浮嵐掩映  
清波見底一樵一漁一花一草皆寥蕭有世外意以為  
勝西湖金碧山水故有何須更說烟嵐好老屋疎林亦  
自殊之句今於香亭之文殆作如是觀矣會香亭自編

文集十二卷成因書夙所共談者以為序時乾隆乙卯  
七月朔日河間愚弟紀昀撰

香亭文稿目錄

蓼園吳玉綸香亭

卷一

聖母崇慶慈宣康惠敦和裕壽純禧恭懿

皇太后七旬萬壽恭賦

聖駕三巡江浙恭紀

七言長律五十韻  
謹序

皇上六旬萬壽恭頌

八章  
謹序

聖駕六巡江浙恭頌

八章  
謹序

卷二

上封事第一摺

上封事第二摺

上封事第三摺

奏換

樂善堂全集摺

請定補武善射教習逾限處分

再請補武善射教習摺

請假祭掃摺

請賜贈曾祖父母摺



請酌定司員回堂之例

請定京畿道御史承辦堂稿處分

請祈雨陪祀諸臣在署齋宿摺

辛丑科會試錄序

浙江鄉試錄序

卷三

楊古愚詩鈔序

楊硯耕學圃圖序

送弋山二兄南旋序

宋汝和有方詩草序

宋況梅少農制義序

才調集箋釋序

曹習菴刻燭集序

儲玉函詩稿第三卷序

引藤書屋小照序

春郊歸省圖序

鼓山觀海圖敘

全閩試牘序

和張壽雪紀

恩詩序

卷四

重修固始縣志序

任勇烈公傳後序

曹慕堂六十壽序

吳澹軒少宰七十壽序

馬元圃六十壽序

羅星定封翁雙壽序

馬母吳太恭人八十壽序

卷五

庚午除夕記

雨後小記

記青山夜談

瓶友記

重修佛峪般若寺碑記

秦中記庭訓

記病目

修方家橋碑記

竹窓聽雨圖記

燕巢記

古藤詩思圖記

遊通惠河記

安拙窩記

重修張仙鎮至善義學碑記

宜園記

卷六

戰淝水論

養生論

文論

陶朱公論

原藝

北斗魁類考

春王正月辨

有意為善雖善亦惡辨示汪漳川

卷七

學書說

續師說

續師說二

友說

蟬說二則東楊古愚

鹿說

貴核其真堂額說

閩省試院堂額說

西施說

鄉飲酒說

名義女之信說

名元婿閫說

代張伯魁名子振路說

卷八

上鄭炳也先生書

上王蘭泉先生書

與友人書

致蔣心餘太史書



答諸兄委董輯家譜書

致周司馬為從兄立傳書

答方耐齋書

答任澄源書

致孔雲楣書

覆孔雲楣書

與閔中丞書

卷九

先考湛山公行狀

先母任太夫人暨繼母李太夫人行畧

卷十

謝宜人行畧擬稿

啟殯告先大夫文

祭先四兄文擬稿

祭先二兄弋山觀察文

贈朝議大夫廣西道監察御史天翼鄧公墓誌

銘

候選員外郎孔公墓誌銘

例授儒林郎候選布政司理問耐齋方公墓誌

銘

卷十一

傅中丞傳

孫孝子合傳

西獵先生傳

徐生小傳

節孝陳孺人傳

節孝孫安人傳

任夫人傳

蔣夫人傳

卷十二

刻湛山詩鈔恭跋

家藏石經搨本跋

行役紀畧跋

輓言冊跋

劉氏瑩圖跋

為高宮保書澹我襟懷齋額跋

晴雲軒跋

恭跋

誥勅軸冊後

書王審知德政碑後

試諭一則

示錄遺諸生一則

香亭文稿卷一

蓼園吳玉綸香亭

聖母崇慶慈宣康惠敦和裕壽純禧恭懿

皇太后七旬萬壽恭賦

繫我

皇之大孝奉

聖母以乘乾扇仁風於海甸溥愷澤於垓垓經綸參天  
而兩地勲業軼後而超前

帝德誕敷荷

懿徽之景爍

皇圖式廓介

慈壽以延綿德邁胥登嘉祥裕後道隆嫔如繁祉開先  
玉燭呈輝奏清晏而治登三五瑤圖啓瑞紀春  
秋而歲逾八千當

皇太后稱觴之七旬萬壽正我

皇上御極之二十六年是月也卜履端則物象維新

歌介祉則

慈顏有喜

撫璇圖之鞏固久奠金甌紀

寶算之頻仍常添玉晷春來

鳳閣驗繡線之加長畫永

龍樓藹宮花而著美烟籠曲徑柳待臘以舒容雪  
壑新枝梅衝寒而放蕊占淑光於南陌兆姓熙  
然來佳氣於西池羣仙樂只三山靈草慶協

萱闡五岳真形祥呈

帝里宸喜春暉遍煦萬國咸寧爭看斗建初回一陽  
復始蓋德愈大者功愈厚天人有感應之機而



福無量皆壽無疆動靜契安貞之理欽惟

皇帝陛下馭六合統一尊

秉錄垂裳胥握夫至德要道仁民育物不外乎敦本

培源繼承綿

大寶之庥

照臨永曜尊崇脩九州之養

色笑常溫厚德資生昭

慈仁之懿範孝思維則體

教育之深恩愛日常殷奉

璇宮兮悅豫問

安彌切侍

蘭殿兮晨昏平時綵仗琬輿具見歡心臚合此日華鐘

羽磬真看福物駢繁欽惟

皇太后德徵悠久位極尊親四海昇平悉蒙

慈蔭萬方歌頌敬祝

慶辰揚上壽之隆儀輝騰

玉冊懋闡珍之

鉅典瑞叶珠綸繡箔銀屏欣宏開夫德宇鸞笙鳳

管極翔洽夫天倫香熟

御爐飄祥烟於

上苑霞飛

仙仗接紫氣於層闈登

殿陞以列冠裳拜舞則八荒盡萃絢乾坤而成錦

繡謳歌則百戲俱陳珠斗月華光同不夜花城

香海國是長春向日而來者捧壺攜榼聞風而

至者奏雅吹豳更有田間野叟林下老臣鯢齒

鮐文名傳

上界龍眉聃耳圖獻

楓宸計海屋以添籌羣歌壽考傾仙壺而聽漏喜溢  
蒼旻來春而奉

慈遊越水吳山俯慰乎望恩章澤即日而頒

大詔金泥紫誥彌徵夫德盛化神

天子於是錫類推恩而教天下以孝也篤無疆之祐  
文謨偕武烈齊光極不匱之施士習與民風胥  
倣鸞章

寵錫歡騰

北闕翔鶴藥榜連開彩耀南山文豹拜蠲租之  
聞澤化日常依戴宥罪之

宏恩

慈雲高罩

告虔岳瀆禮秩百神

賜宴官僚盃傳七校繪太平景運萬方符甘旨之思

近嘉樂

慈顏九祀洽婉愉之貌所以化先

宮禁被

恩者奉雍肅之

儀型而慶洽寰區

錫福者大尊親之德教且夫治美宣仁雅化共稱堯  
舜徽傳明德令聞久著房櫳候長樂以承歡漢  
儀祇載詣寢門而視膳周道彌隆至於雨滴銅  
池草舒舊綠風翻仙圃花襯新紅或奉觴於金  
母或奏曲於木公或登春臺而皞皞或愛冬日  
以融融此又灑甘露於珠宮蕊闕紀人瑞於白  
叟黃童足以收戩穀罄宜之效而昭蕩平正直

之風者也考前規以媲美揆舊典而彌崇蓋尊  
養備從其極至

恩膏特渥于綏豐

聖天子之孝治旁敷靡不神人胥洽而內外大同矣  
是知惟

聖人為能盡孝昭盛事於古今惟

聖壽為能得

天卜遐齡於億萬

九重邃宇見庭際之鶴來十二層樓喜簷前之桃獻

晴光送暖巽動而春益千林瑞氣凝庥豫順而  
澤流九畹吹笙鼓瑟抒孝敬忠愛之忱益算延  
釐握福壽康寧之券頌天保而羣黎共戴三壽  
作朋祝華封而率土騰歡萬邦為憲維時王公  
卿尹百執事稽首而言曰於維

聖母育我

聖人萬物咸覩用集大勲受

天之祐孔固孔安載歌且舞爰是流和氣於九霄聽輿  
人之謠曰



聖母惟康錫爾多福於下土七政祥開光臨萬戶是為  
壽徵登堂擊鼓又有殊方異域罔不重譯而來  
敬獻共球歡呼稱慶曰

聖皇御天為中外主大矣哉

慈壽之綿延與

聖孝之光昭克紹三皇於萬古

聖駕三巡江浙恭紀

七言長律五十韻  
謹序

皇上御極之二十有七年時和歲豐萬物休暢  
威德遠布內安外寧爰舉

茂典三

幸江浙迺於正月十二日恭奉

皇太后南巡兆庶懽騰神靈悅豫甘雨和風春深日暖  
迓者溢途瞻者夾道凡十旬有奇歲事

旋蹕於時秩祀典飭官方登俊乂恤商民禮高年釋

繫囚熙事

隆恩靡不具舉。邈去年冬十有一月恭逢

皇太后七旬萬壽。中外謳歌。臣民休美。

天子頒詔加恩。備極其至。今年月正元日。有司以七  
政同躔。告蓋我

皇上繼繼承承。勵精圖治者二十七年。於茲有以上  
契

天心大啓祥瑞表

鴻功而彰

孝治昭然。若合符節焉而

宸衷兢業退讓弗居推恩錫類彌弗遑稍自暇逸也

頃者恭奉

聖母南巡以娛

慈顏以播

慈徽布澤行慶諄諄靡已載在虞典所云崇望肆覲問  
俗省方者雖形容之極盛究未必其秩秩可紀  
如是至於

巡視大江南北各水道先

命大臣馳往相度機宜旋經

睿覽

親授方略永奠黃淮利及萬世則大禹之盡力溝洫

文王之康功田功以

今方昔不啻過之然而

鑾輿經行燕趙齊魯吳越之地一切儲峙供億無絲

粟用我民力者猗歟休哉

聖天子一舉動而萬善咸備焉臣豫省一介之士行

能無算幸遇

恩科濫登

秘館伏念往歲

駕幸中州

湛恩汪濊沉潛匝洽罔弗周暨迄今望

幸之情雲霓飢渴莫以言喻欣遇

鸞馭還都載賡

盛美誠知扣轅聲竝不足以宣揚

皇猷藻被金石願茲區區之心聊用自竭輒不揣固

陋撰述梗概謹賦七言排律五十韻以

獻其詞曰

五年一狩慰輿情

翠葆紅旗出

帝京千騎聯鑣行大道

六飛按轡騁修程

蒼龍駕動初

祈穀秧馬歌騰正

省耕曉旭瞳瞳迎雉扇祥烟霭霭擁鳧旌清塵恰際

和風轉啟路剛逢快雪晴鳥弄絃歌依

帳殿柳縈劍佩傍羶城三春禹甸雲霞曙萬里

堯天雨露盈

仁壽八千風近古韶光九十氣初萌重瞻南極申

慈慶早見西陲納悃誠介

祉安香欣入貢承

歡絢節喜相迎雲移

慈蔭人皆仰仗拂春林鳥不驚魯北齊南供眺覽吳頭

楚尾徧

巡行桃花汛穩徵河禽瓠子瀾安識地平澤國周遭

勤



傳畫金堤鞏固備經營竹西煙月瓊簫溢瓜步風瀾  
畫舫輕峯聳金山高截業壩崇鐵甕勢崢嶸巖  
春塢野飛雛燕多景樓前轉早鶯草為迎

鑾薰孟瀆梅緣待

輦勒銅坑停車虎阜韶華麗進艇鴛湖夕漲清江湧  
錢塘銀浪濶山標天目畫屏橫蘇堤柳色含烟  
裊葛嶺松濤近晚生閒向鷺峰叅玉版更從龍  
井試茶鎗丹陽水暖

仙舟泛白下春融綵艦繁

駐蹕天心方悅豫

揮毫奎藻倍光瑩問

安常侍

金根輦視

膳親和

錦帶羹仰體

宣宮敷渥澤俯詢茅屋拊黎氓

聖人德與乾坤合

盛代恩將造化并

鳳詔千行辭爛熳

鸞書一紙語鏗訇足民已見留

天庾尚齒還聞饗大烹舊賦盡蠲吳越額新租更緩

夏秋征鷄竿乍舞傳開網鶴料重支慶振纓籍

廣泮宮收庶士詩陳

黼座選羣英循良屢荷

殊恩擢節鉞欣邀

褒語榮

惠及通商稱大賚

澤推洗獄快同傾春江南北

慈恩普薄海昇平物象亨

綵仗後先迎父老

珣與左右集童嬰任從來道瞻

龍幄

特許躋堂獻兕觥兆姓懽雷騰海嶽

九天膏雨遍章絃

鑿經

闕里陳鐘鼓奠釋蠶庠奏箏笙壇外杏花舒紫萼階

前著草茁青莖

登臨泰岱觀義馭流覽青淄望渤瀛或或嘉禾千畝  
秀芄芄瑞麥兩岐呈前驅七萃爭歌舞後乘千

官共拜賡

盛典揄揚垂史策高文纂述集公卿邇茲  
啓蹕期先定旋為勤民

令再更望

幸於今真極樂流

恩無處不和鳴熙熙遍壤

仁何普蕩蕩

如天德莫名遠比虞書班瑞典近規周頌邁邦聲小  
臣芸館叨詞職細響深慚和六韻

皇上六旬萬壽恭頌

八章  
謹序

臣聞琅簡延祥至德必膺第祿瑤圖啟瑞昌辰  
用集鴻禧太撓作甲子而還帝開壽域神禹協  
庚申而降人陟春臺復旦卿雲仰重華於舜陞  
衢歌壤祝萃多福於堯年當久道以化成自重  
熙而累洽欽惟我

皇上體乾行健象日方中

濬哲性生秉神明之德

緝熙學懋櫛經史之精

臨御三十五年大旬紀慶撫循萬億兆姓率土臚歡  
舊德先疇偕斯民於樂利先天霽日遊一世於  
雍熙炳玉燭以長調奠金甌而永固懿夫

園丘

方澤虔楮珽於

靈壇尊

祖敬

宗肅升薌於

清廟迎年祈穀



社稷之祀攸隆合璧重光

日月之禋咸秩禮崇釋奠龍彝增俎豆之香典重  
臨雍駕瓦易丹黃之色幸感青槐之舊樹復徵蒼幹  
之新榮若乃大孝尊

親至誠集祐迓

慈寧之景福晉祝蕃釐上

聖母之徽稱益臻純嘏逮夫案無留牘

御批迅於風雷日有萬幾

聖裁歸諸宥密如衡如鑑獨勗循良之紀之綱還懲

貪墨而且禋祈萬寶莅青幄於上辛耕藉四推  
襄紺轅於吉亥河宗順軌疏淪兼籌海甸迎慈  
賑蠲疊卹齊民編戶徧許貸夫童牛蔀屋芻檐  
屢允假其子穀輪歲截抵通之粟循年免計畝  
之租往者整飭戎行舉金川準夷回部而聲靈  
丕振今茲誕敷文德合三通一統  
國史而修纂彌勤至若麋塵析於微茫舛謫胥訂  
濡灤証其躊駁參考維嚴鐵畫銀鈎

宸翰在鍾王以上日華星縵

天章麗雲漢之間靡不文教昌明詎止武功顯鏘而  
迺允澤之降決髓淪肌豫動之休

巡方展義陟嵩高而躋太少循臺麓而禮清涼泰岱  
登封望齊州之烟靄

陪京臨幸俯鑄邑之光華淝水稽山

鳳輦載臨於越靈巖鍾阜

龍旌四洩勾吳觀海而沿格淀之津登山而駕中盤  
之頂兼以雄關飭轡講武事則秋獮依時遠塞  
揚鑣圖王會則春風扇惠凡此

六飛莅止皆物與而民胞

七萃遙臨總德車而樂御茲以

聖瑞徵夫辛卯仙萸吐億載奇葩

純禧叶乎庚寅星樹耀千年異彩欣值中秋之月恭

逢

萬壽之期錫類推恩慰

慈寧之悅豫行慶施惠宣

懿德之敦和尤以

華渚星明瑞降蓬山仙鳥

璇宮露靄祥添海屋春籌開八袞於辛年徽美悉歸

文母慶千齡於子月孝思永著

皇躬豫增文苑以兩科統棧樸菁莪而俱化更廣憲

書以重甲合期頤髦耄而咸登

異數頻頒

殊恩稠賜

照臨永曜欽明被四表之光

色笑常溫尊養脩九州之奉爰却今秋方物無庸厥篚

厥篚惟崇隔歲

朝儀始

允載歌載舞迺臣庶歡欣倍切僉曰不寶異物之  
聖人而黔黎愛戴尤深共祝於萬斯年之

天子是月也氣澄蓬觀影湛瑤池海日曛曛光映安  
期火棗山雲靉靄輝含王母金桃仙槎靈瓜與  
桂實松肪并美羊珠麟脯偕琳腴石髓齊陳徵  
萬福之攸同慶逢周甲幸

一人之有慶澤肇由庚

小臣世受

國恩葵傾彌切班叨句儼曝獻維誠際

帝德之巍巍管窺難罄仰

皇猷之炳炳蠡測何能賡洪範而合宙衡

恩祺開五福歌天保而羣黎徧德歆溢九如謹拜手

稽首而獻頌曰

於穆

聖皇顯承丕緒奄有四方拓彼疆宇欽若

昊天繩我

烈祖布政宜民德洋恩溥溥天之下無不得所於萬斯

年

天錫純嘏

天錫純嘏永言孝思維此孝思克承

聖慈養以天下玉食是頤尊以天下咸奉

母儀於萬斯年錫類攸宜

青青者松磊磊者栢萬年其枝千秋其節

帝苑長春榮敷綈奕麟遊平郊馬徠西極於萬斯年

惟

皇允宅

帝亶聰明神武聖文誠以奉



天敬以展親愛育臣民以莫不臻  
寶位凝承

景命日新於萬斯年與物為春

八月之秋第祿是道

聖壽作人令德令猷廣仁敷惠罔或不稠臣黎歡戴  
朝野歌謳中衢設尊

釀化悉周於萬斯年荷

天之庥

荷

天之庥旭日方旦庭燎之光景星有爛

奎文炳蔚昭回雲漢

宸躬保定優游伴奭於萬斯年四方允煥

猗與禕與庶民允懷含哺鼓腹遊于

堯階僉曰樂哉

聖澤無涯

帝曰欽哉

祖德是諧於萬斯年降福孔皆

綿綿其祚延延其祿維籌無算增於海屋名山

大川五嶽四瀆罔不懷柔星拱甸服八方祝  
釐以莫不穀於萬斯年自

天景福

聖駕六巡江浙恭頌

八章  
謹序

臣聞易繫觀民設教禮稱納賈陳詩茨岫凝鑒  
曾傳軒后陶宮制蹕聿溯伊耆虞年並誌功庸  
似代亦云補助獻令成於殷室竹書爰紀時巡  
懷柔遍乎姬宗金匱遂播載符欽惟我

皇上道隆參贊業備延洪秉乾符而玉燭常調履泰  
運而璿圖在握被

文思於聖域藝林游奎壁躔中揚

武德於

鴻謨王會拓崑崙柱外龐洪普渙

休助常行由辛未以逮甲辰卅八載

六巡慶洽湖江介以達浙滙三千里萬姓歡臚當開

韶逢閏之年適

祈穀禮成之日望

玉衡之乍轉正珠斗之初迴趙北燕南次第看春光  
之接吳頭楚尾迢遙見協氣之迎蠶婦耕夫象

依

翠輦黃童白叟忻逢

青旂三年復覩

天顏適叶三辰之應

六度頻邀

宸眷重開六甲之期纖毫不費閭閻

恩綸特下遐邇頻霑

雨露膏澤咸濡頒行則錢給水衡儲峙則粟支農部

樂丁租之

賜復已聞九野懽呼蒙甲戶之

蠲除又見十行疊沛連村菽粟食貨兼藏比屋詩書

賢親俱洽是以雨師灑道風伯清塵巷舞衢歌

嵩呼華祝視前度之

停鑾更增雀躍喜今番之

駐蹕益勵葵傾況夫榮光照耀乎雙條德水遵循乎

九曲黃流順軌猶厓

宸衷清口安瀾仰承

聖算泛

龍艦於晴川陶莊埽合架鼉梁於遠浦洪澤波恬而

且從北極以探源

睿鑑直超隆古向天池而辨色

奎章特示來茲蓋衆策羣材悉歸

主斷而久安長治必本

親籌惟浙濱江其東即海乃復

玉趾頻臨石塘斯建資三疊之鎖鑰嚴七郡之咽喉

馬齒編排儼同鐵柱魚鱗稠疊永固金湯凡茲

奠定

神謨遠邁敷土隨山之烈是以江河底績無非安民

育物之



懷維時

愷澤滂流

湛恩充洽沛

恩施於輦路拜

寵錫於旌門千里桑麻盡入豳風之繪萬年歌舞常

賡天保之詩曦望協環周道泰而昆蟲咸若民

情徵豫順時和而動植皆榮臣世受

鴻恩疊蒙

天眷厠容臺之禮樂方慚莫譜雲韶佩烏府之印囊

竊願隨行

豹尾

命掄材於閩嶠深慙衡鑒之精瞻

駐輦於吳山敬效壤衢之祝謹拜手稽首而獻頌曰

於惟

聖皇握符體

昊出震齊巽合乾之道四海赤子皆在襁抱

六巡南服

德隆

恩造歲紀甲辰韶開閏早榮獻祥苞芳流福草戶迎  
鑾輿人思惠保萬姓歡呼挈幼携老

斗轉畿輔爰指青齊

蹕路所經扶掖拜稽無非事者

軫念羣黎三吳南北兩浙東西柳映鞭絲花襯馬蹄  
靄靄春光芄芄麥畦雀躍鳬趨我

后来僕

帝意拳拳蠶箔耕犁

帝念民艱

詔書屢下正供既免籽糧許借

省耕布澤

玉輅羣迂乃疆乃理侯主侯亞出作入息惟穡惟稼  
鬱鬱園圃陰陰桑柘

帝顏色喜頻年稅

駕熙熙春臺皆歸

仁化

河流既平淮水斯順荆豫徐揚金堤永鎮箭筈

秋澄桃花春潤前歲

停旌

龍舸乍進

齋心默禱河神昭信埽合波恬循軌安汎復此  
親臨初終敬慎績奏平成功邁堯舜

湖山全越大海環東鹽官居要三面當衝龕赭  
尖塔激射惟雄壘有大小分南北中

命建石塘載葺鳩工迴湍莫激迅浪難攻隄固瀾安  
猶厪

聖衷億萬斯載物阜年豐

入疆飭吏大法小廉進退惟公恒寓寬嚴宥過

錄善

德意均霑羣庶迎

蹕雲日就瞻

賜珍賜帛引養引恬既優既渥雨露均添

德洽詞林

恩覃閭閻諸生橐筆平步登蟾流膏布潤會為祥占

勝蹟名區時邀

睿賞得句錦鞍裁詩畫槩筆花夜吐墨采朝沆

玉步所臨

天籟流響燈右觀書光騰藜杖人文淵藪

傑閣高敞分貯芸編擷英開朗囊括羣言藝林景

仰

慶行南國懽臚萬方昆蟲獻瑞草木增芳蠶將浴種

麥待登場

六御言旋經淮度黃河海同潤

聖治全昌

臣使八閩欣荷

恩光願隨簪筆

仁風奉揚我

皇時巡

錫福無疆